

Մատթեոս 26:26-28 (Matthew 26:26-28)

«Տէրոջը Ընթրիփը»

Վեր. Ստեփան Մնջերեան

Հայ Աւետարանական Գողգոթա Եկեղեցի 11.09.96

Մինչ անոնք կ'ուտէին, Յիսուս հացը առաւ, օրհնեց ու կըտրեց և տուաւ աշակերտներուն ու ըսաւ. *«Առէ՛ք, կերէ՛ք, այս է իմ մարմինս»*: Եւ գաւաթը առաւ, գոհացաւ ու տուաւ անոնց ու ըսաւ. *«Ամէնք ալ խմեցէ՛ք ասկէ. Վասըն զի ասիկա է իմ արիւնս նոր ուխտի, որ պիտի թափուի՝ շատերու մեղքերուն թողութեան համար»*:

Արդիօք ինչպէ՞ս էր վերջին ընթրիփը, երբ Տէր Յիսուս Իր աշակերտներուն հետ տօնեց Զատիկը: Ամէն մէկ աշակերտ տարբեր նկարագրի տէր էր: Կային 4 ձկնորսներ՝ ինչպէս Պետրոս, Յովհաննէս, յոռետեսը Թովմասը, մաքաւոր Մատթեոսը, եւ այլն:

Այս բոլորը՝ նստած Յիսուսի հետ, 3 տարուայ շատ մը փորձառութիւններէ ետք: Այս գիշերը Տէր Յիսուս խօսեցաւ Աստուծոյ թագաւորութեան մասին, նաեւ իր մատնութեան, խաչելութեան և յարութեան մասին:

Յիսուս առաւ անխմոր հացը: Բաղարչակերաց, Զատիկի ընթրիփը անխմոր հացը 3 մասի կը բաժնուի կտորները կը ծակեն, եւ այս կտորները ունին այրած գիծեր: Ընթրիփի ընթացքին, մէկ հացի կտորը կը փաթթեն և կը պահեն որ պզտիկները վերջը գտնեն:

Յիսուս առաւ այս հացը և ինքզինքին գործածեց որպէս՝ Մեսիա: Ինք երրորդութեան մէկ անդամն է որ ծակուեցաւ, ծեծուեցաւ և մեր մեղքերուն համար մեռելի կտաւի մէջ փաթթուեցաւ, թաղուեցաւ և յարութիւն առաւ *«առէ՛ք կերէ՛ք, այս է իմ մարմինս»*:

Տէր Յիսուս նաեւ առաւ գաւաղը - 3րդ գաւաղը - որը ընթրիփէն վերջ կուգայ: Բաղարչակերաց ընթրիփը ունի 4 գաւաթ. 2ը նաշէն առաջ՝ որ կը նշանակէ սրբութիւն և համանարակ. 2ը նաշէն վերջ՝ որ կը նշանակէ փրկութիւն և փառաբանութիւն: Յիսուս այս 3րդ գաւաղը առաւ և Իրեն համար գործածեց: Ան մեր փրկութիւնն է, որ մեղքերուն պարտքը վնասեց *«խմեցէ՛ք ասիկա է իմ արիւնս նոր ուխտի, որ պիտի թափուի շատերու մեղքերու թողութեան համար»*:

Աշակերտները ըրին այս ընթրիֆը և նաշակեցին Յիսուսի մարմինն ու արիւնը: Արդիօ՞՞ք անոնք ինչպէ՞ս կրցին հաղորդ ըլլալ Յիսուսի փրկութեան:

Նոր կտակարանը անյայտ կը պահէ աշակերտներուն վախճանը: Սակայն պատմաբաններ կը գրեն թէ 10 աշակերտները նահատակուեցան, քաջարար Քրիստոսը անհաւատ աշխարհի քարոզելէ ետք:

Անդրիաս, Պետրոս, Փիլիպպոս, Սիմոն եւ Թադէոս խաչուեցան: Մատթէոս եւ Թովմաս սուրով սպաննուեցան: Մընացածները նոյն պէս սպաննուեցան: Միայն Յովհաննէս իր վերջին օրերուն ամբողջուեցաւ:

Լուրջ հարց է երբ մենք ալ կը մասնակցինք այս սեղանին: Երբ Քրիստոսի ընթրիֆը կ'առնենք կընդունինք թէ մեր կեանքը իրեն նուիրած ենք:

Յիսուս՝ հնազանդ մինչեւ խաչը գնաց: Մենք ալ հնազանդութեան կանչուած ենք. մեր կամքը՝ խաչը ելած և մեր կեանքը՝ Քրիստոսի նուիրուած: Մենք յարութիւն առած՝ կապրինք Տէր Յիսուսի՝ հնազանդելու և յետեւելու:

Պօղոս առաքեալ Կորնթոսի եկեղեցիին այսպէս կ'ըսէ, «թող մարդ իր անձը փորձէ ու այնպէս այն հացէն ուտէ ու զաւաթէն խմէ:» Մենք ալ մեր անձը գնենք՝ և մօտենանք սեղանին, գիտնալով իմաստը՝ Յիսուսի զոհողութեան մեր կեանքին համար:

Տարիներ առաջ լսեցի թէ պետք ունէի Յիսուսի որ ինձի համար իր կեանքը զոհած էր: Ծունկի վրայ՝ Տէր Յիսուս ընդունեցի որպէս իմ փրկիչս: Իւրաքանչիւրս այս որոշումը պետք է ըրած ըլլանք, և ապա մասնակից ըլլանք իր սեղանին:

Երբ Պօղոս առաքեալ կ'ըսէ գննեցէ՛ք ձեր անձերը, հաւատացեալներուն կը խօսի երբ սեղանին կը մօտենանք, մենք ալ կ'ըսենք թէ մեր կեանքը լիովին Յիսուսի կը պատկանի:

Այս առաւօտ մտածենք, արդիօ՞ք որոշա՞ծ ենք հետեւիլ իրեն և հնազանդիլ Քրիստոսին ու իր կամքը ընել:

Կարելոր հարցում մը կուզեմ հարցնել. արդիօք ընդունա՞ծ ես Տէր Յիսուս որպէս բու անձնական փրկիչդ: Կրնայ ըլլալ որ յանախած ես եկեղեցի, նաեւ մասնակցած ես Տիրոջ ընթրիփին. սակայն այս ֆայլը դեռ չես առած: Եկու՛ր այս առաւօտ և որոշէ՛ ընդունիլ Քրիստոս որպէս բու փրկիչդ:

Աղօթք

Ուրեմն Յիսուսի հրաւերը ընդունէ՛ և կրնաս այսպէս աղօթել: «Տէր Յիսուս, շնորհակալ եմ որ իմ մեղքերուս համար խաչուեցար: Ես մեղաւոր եմ և փրկութեանդ կարօտ եմ: Կ'ընդունիմ քեզ որպէս իմ փրկիչս:»

Իսկ եթէ արդէն փրկիչդ է Յիսուս. իր հրաւերը ընդունէ՛ և այսպէս աղօթէ, «Տէր Յիսուս կեանքս քեզի կուտամ - օգնէ ինձի որ միշտ կամփղ կատարեմ:»